



AKCIJA SIPA-e Uhapšeni bivši direktor KPZ-a Tuzla i njegovi pomagači

Hasan Hodžić uzimao novac za zapošljavanje stražara

Pet osoba se sumnjiči za nezakonitosti prilikom zapošljavanja u KPZ-u • Slobode lišen i Robin Mujačić, rukovodilac zatvorske jedinice Kozlovac



Detalj s jučerašnjeg privođenja Hasana Hodžića



Dovođenje uhapšenih u policijske prostorije

(Foto: Print ekran snimka SIPA-e)

Hasan Hodžić, bivši direktor Kaznenopopravnog zavoda (KPZ) Tuzla, uhapšen je jučer ujutro u akciji Državne agencije za istrage i zaštitu (SIPA) i Kantonalnog tužilaštva Tuzla kodnog naziva "Brava II".

Kriminalne radnje

U saopćenju SIPA-e navodi se da su u ovoj akciji slobode lišeni H. H., R. M., N. S., F. B. i A. S., svi zbog sumnje da su počinili zloupotrebu položaja ili ovlaštenja u vezi s nezakonitostima prilikom zapošljavanja više osoba u KPZ Tuzla i poslovanjem određenih organiza-

cionih jedinica.

Tokom hapšenja pretreseno je više lokacija na području Tuzlanskog kantona, kao i unutar samog KPZ-a, radi pronalazanja predmeta koji mogu poslužiti kao dokazi u daljnjem postupku.

Hapšenje bivšeg direktora KPZ-a Tuzla Hasana Hodžića nije iznenadilo javnost. Naprotiv, riječ je o osobi koja se godinama dovodila u vezu s nezakonitostima pri zapošljavanju u KPZ-u, davanjem zatvorskih pogodnosti osuđenima idrugim kriminalnim radnjama.

Oduzeti predmeti i dokazi

Tokom jučerašnjih pretresa pronađeno je i privremeno oduzeto više mobilnih telefona i SIM kartica, veća suma novca u različitim valutama, laptopi, uređaji za pohranu podataka (USB), jedno luk-

suzno putničko vozilo i vatreno oružje. Oduzeta je i veća količina poslovne dokumentacije, kao i drugi predmeti koji mogu poslužiti kao dokaz u daljnjem postupku, saopćeno je iz SIPA-e.

Veza sa Sanjom Vuletom

Zatvorsko osoblje zgražavalo se vezom njihovog direktora sa zatvorenicom Sanjom Vuletom, koja je izdržavala dugogodišnju kaznu zbog

- U KPZ je za samo nekoliko godina Hodžićevog mandata primljeno između 30 i 40 stražara. O njihovom prijemu odlučivao je Hodžić. Pojedinci su se javno hvalili da su dali novac da bi dobili posao, a da je cijena radnog mjesta od 10.000 do 20.000 maraka. Osim toga, poznato je i da su pojedini zatvorenici, osuđeni za vrlo teška krivična djela, imali takve zatvorske pogodnosti da bi malo ko mogao vjerovati da su uopće u zatvoru. Svake sedmice su imali slobodan vikend, izlazili su po tuzlanskim restoranima, a nije nikakva tajna da je sam Hodžić često viđan u društvu s njima. Za sve to postojala je ci-

saučesništva u ubistvu. Javna je tajna da je Hodžić kupio kuću na moru, razne nekretnine po Sarajevu i Tuzli - kaže "Avazov" sagovornik.

jena - tvrdi "Avazov" izvor blizak KPZ-u Tuzla.

Prema tvrdnjama našeg izvora, glavni kriminalnik kom je Hodžić učestvovao, nije uzimanje novca zbog zapošljavanja u KPZ-u nego uzimanje provizije na tenderima. Tvrdi da je građnja zatvorske zgrade na Kozlovcu koštala "basnoslovna dva miliona maraka" i da je na tom projektu uzeta velika provizija. Također, provizija je uzimana i od jednog broja dobavljača raznih proizvoda za prehranu zatvorenika.

- Pitanje je samo želi li Tužilaštvo dokazati kriminal u kojem je Hodžić učestvovao. Znamo da je svoje-

vremeno bilo zadokumentirano 7 krivičnih prijavi protiv njega, ali je neko u Tužilaštvu to stopirao. Sve informacije o njegovoj bahatosti i lopovluku zaposlenici KPZ-a prijavili su i Federalnom ministarstvu pravde, ali mu je, prema svemu sudeći, i tamo neko čuvao leđa - kaže naš sagovornik.

Loši odnosi

Uz Hodžića, uhapšen je i Robin Mujačić zvani Robi, jedan od rukovodilaca zatvorske jedinice na Kozlovcu, gdje je i zatvorska ekonomija. Mujačić i Hodžić nisu bili u dobrim odnosima. Svojevremeno je Mujačić bio kandidat za direktora KPZ-a.

Uhapšeni N. S., F. B. i A. S. bili posrednici u uzimanju provizija pri zapošljavanju u KPZ-u Tuzla.

U službene prostorije SIPA-e pozvano je ili privedeno još pet osoba, nad kojima se vrši kriminalistička obrada.

A.HADŽIĆ